



ЛЕНИНЭНЬ КИЯВА

ВЛКСМ-нь Мордовской обком онть ды Саранск ошонь комитетэнь газетаст

1941 ие
М А Е Н Ь
25-це чи
58 (1354) №

ЛИСИ: 11-ца ие,
12 № нове

Мезекс улемс?

Ламо тыща тонавница прядуть семилетка ды средней школа. Эрванть икелев ары покшток покш вопрос: мезекс улемс, мезе теес школанть прядомадонзо мейле? Те вопросонть лангсо арестить X-це классонь тейтертнеяк. Цэратнень-десятиклассниктнень тевест лия. Сынест сёкся эрви тонавтомс почетной обязанность—молемс Якстере Армияв служамо. Гражданской специальностень кочкамодо вопросонть сынест сави решамс зярый иень ютазь теде мейле. Но сынест эйстэ ламот арестить военной специальностень получамо. Малав эрва X-це классонть мутят истят, конат бажить улемс лейтенантокс, капитанокс ды военной лия специалистэкс.

Саранск ошонь 12-це № школань тонавницянтэ Женья Жуковонь ули мелезэ модемс тонавтомс военно-морской училищав. Теке жо школань тонавницянтэ Овчинников Егоронь—военно-медицинской школав. Те, нама, пек вадра тев, бути сын специальностень кочкамодо вопросонть ваннэз эрва ёндо, серьёзностэ.

Профессиянь кочкамонть аламо ули се, штобу саемс мель. Тесэ а эрви вакса кутамс еще кой-кодот особенность. Васняк, эрви явомс мель эс дарованианть ды способностень лангс. Вейке тонавницянтэ ули способностезэ математиканть, омбоцень—ботаниканть, колмоцень жо—рисованианть. Чарькодеви, што нетнень ютксто сех вадра математикекс ули се, кинь улить способностензэ те науканть. Омбоцекс, эрви башка мель явомс эс шумбрачинть лангс. Кодаяк нельзя улемс летчикекс, бути седеет сареди или сельметэ аволь парсте неить; нельзя модемс тонавтомс текстильной институтс, бути саредить тевелявот, нельзя модемс музыкальной школав, бути беряньстэ марить пилеть.

Коде содави, профессиянь кочкамо эрви ловомс сень, косо можна седе ламо кандомс лезэ родинанть. Кие может лездеам те вопросонть решамос? Нама, сех ламо эрви эстетэ арсемс. Но теньсэ могут пек лездеам педагогтне. Кие, бути аволь учитель, содасынзе эс тонавницяно. Ведь сон зярый иеть роботась мартоост.

Выпускниктнень эрви содамс, што профессиянь кочкамо—тевес аволь личной, но покш государственной тев. Миненек киненьгак эзть максо прават шкадо икеле ютнемс училищасто училищас, техникумсто техникумс. Теде башка те ютамось, бути сон случайна карми улемс, стяко ютавты ламо ярмак, виь ды, паряк, шумбрачяк.

Тонавницятне могут кевктемс: кодамо профессиясь сех вадра? Эрва паро специалистэс карми шнамо эс профессиянтэ. Пек виде ответ те кевктеманть лангс максеть минек масторонь знатной ломатне—вадра каменщикс РСФСР-нь Верховной Советань депутатось П. С. Орлов ды Донбассонь замечательной забойщикс Петр Синяговский.

Орлов ялгась мерсь истя: «Эрва мастерэс вечксы эс мастерстванзо, ды те сонензэ весемеде питней. Ды бути тон кармат вечкеманзо эс специальностет, значит улят паро мастер». Петр Синяговский ялганть вейке тонавниця кевкстизе: забойщикен седе вадра профессиязо или крепильщикен? Сон отвечась тензэ: «Весе профессияне минек парт, но сех вадрясь се, конань вечкасак ды кода эрви кармат содамонзо. Монень вана коть мезе макст, но мон а согласн полавтомс забойщикен профессиянтэ лия специальност лангс, секе што мон содаса ды вечкса сонзэ».

Эрви меремс, што специальностень кочкамо ламо тонавницят тейнить ильведевкст. Сех покш ильведевксэс се, што а явить кодамоак мель физической трудонь специальностентень. Игнатовской средней школань тонавницясь Р. ловнызе Юрий Крымовонь «Танкер Дербент» кнганть ды сайсь мель улемс те произведениянтэ главной героензэ, Басовонь кондымо специалистэкс. Тень кис сон путсь эс икелензэ задача—X-це классонть прядомадонзо мейле туемс тонавтомс индустриальной техникумов. Теке жо классонь тонавницятне К. ды Н. кармасть лангсонзо пейдеме. Ну и мусь, келя, специальност: механик! Сынест койсэ сех вадра специальностне сеть, конат скулмавозь ансяк умственной трудонть марто. Неть тонавницятнень сознаниясь те шкас эзиз пачтя сень, што физической трудось—эрямонь основа. Теньсэ сех пек чумот тетятне-аватне ды учительтне, конат тонавтомсто вакса ютызь трудовой воспитаниядо вопросонть.

Тонавницятнень шкасто эрви толковамс, кода вадра роботамс мастерэкс, паровозонь машинистэкс, электромонтерокс ды лият.

Тень коряс истя жо пек покш чумо пры минек эрзын писательтнень лангскак, конат аламо сёрмадсть кнгат эйкакштнень трудовой воспитаниядо. Весе гисательтнень ашти примерэкс Маяковскоень стихотворениязо «Кем быть?», косо сон шны робочеень, плотникен, столяронь, трамвайной кондукторонь ды матросонь профессиянтень.

Комсомолецтнень почетной тевест—испытаниянтень прядомадост мейле эрва школасо организовамс беседа ды толковамс профессиянь кочкамодо вопросонть, башка мель явомс физической трудонь специальностень вечкеманть. Пачтямс эрва тонавницянтэ сознаниясь, што физической трудомо а тееви кодамоак изнявкс а мода лангсо, а воздухсо ды а морасо, весе героической тевтне кеместэ скулмавозь те трудонть марто. Беседатнень ютавтомо эрви тердем инженерт, врачт, агрономт ды лия специалистт.

Улить весе кемематне, што минек советской од ломатне, те иень выпускниктне, школань прядомадо мейле мусыз эс таркаст, кочкить эстетс сех вадра, вечкевикс профессия.



Атяшевской районось видемань коряс республикасонть ашти омбоце таркасо. СНИМКАСОНТЬ: Тунда видеамась „12 Октябрь“ колхозсонть. Фотось Ю. Володинь.

МИНЕК РЕСПУБЛИКАНЬ ПАКСЯТНЕСЭ

ТЕЛЬМАН ЛЕМСЭ КОЛХОЗСОНТЬ

Кодак ансяк колхозниктне лисеть паксаяв, бригадатнень ды звенатнень ютксо ушодовсь социалистической соревнования тунда видеманть парсте ды эс шкасто ютавтоманзо кис. Колхозниктне велькска тонавтильть выработкань норматнень. Видицятне Я. Меркушин, Я. Семин, Н. Семин ялганть нормаст эрва чистэ тонавтильть 166—187 процентс. Сынест эйстэ а

кадновильть сокциятнеяк — С. Меркушин ды Г. Бурдинов.

Колхозось тунда видеманть прядызе 7 чис. Весемезэ видеэз 241 гектар. Маень 22-це чинть самс путеэзельть модамартне, видеэзельть мушкось ды лия технической культуратне.

С. Федоров.

Инсарской район.

ВИДЕМАСЯ ПРЯДОЗЬ ЭСШКАСТО

Ютась иень коряс 11 чиде седе икеле прядызе тунда видеманть «Большевик» колхозось. Нилеце бригадась (бригадирэсь Якушкин ялгась) видеманть прядызе се шкастонть, конань аравтокшнызе правительствась.

Парсте, добросовестно роботыть колхозниктне, конат воодушевленноить трудонть кис дополнительной пандома-

до партианть ды правительстванть постановленийсонть. Сехте вадрясто роботась видицятне А. Якушкин ды Т. Чудайкин ялганть.

Ней колхозось аноксты моданть технической ды эмежбирень культуратнень видеманть.

М. Бояров.

Зубово-Полянской р-н.

Мекс беряньстэ моли видеамась?

Беряньстэ аравтозь тунда видемань коряс весе роботась Косогор велень «Красный восток» колхозсонть.

Кой-кона бригадатнесэ, примеркс, васенцесанть ды обмочесанть, колхозниктне паксаяв лиснить валцке марто 9 часосто ды мекев кудов сыть чить 4 часосто. Сокамсто сын те шканть перть теить ансяк кеменьшка процентт

чинь норманть эйстэ. Видицятне видекинь 1—2 гектар 6—7 гектартнень таркас.

Трудонть беряньстэ организовамонзо кувалт, истямо разболтанностень кувалт колхозось тунда видеманть коряс районсонть ашти меельце таркасо.

Д. Егоров.

Б.-Березниковской район.

Сехте вадра звена

Васенце бригадасонть Н. Кандрашкин ялганть звеназо ловови Кенде велень «22-я годовщина Октября» колхозонть келес сехте вадрякс, сехте икеле молиякс.

Кандрашкин ялгась вадрясто ладизе тунда видемань коряс весе робо-

танть, келейстэ организовамс социалистической соревнованианть. Секс звенась эрва чистэ заданиянзо тонавти 150—170 процентс. Роботань качествась вадра.

Н. Никитин.

Дубенской район.

Клубось видеам шкасто

Аволь умок Чукало велень клубонь заведующейкс аравтозь Н. Уткин ялгась, кона белофинтнень каршо туремстэ невтезь героизманть кис ульнесь награжден «За отвагу» медальсэ. Уткин ялгась вадрясто аравтызе клубонть роботанзо видеам шкасто. Сон организовазась агитколлектив, конань члентнэ сеетсьтэ тейнить беседат колхозниктнень ютксо. Беседатне эрсит международной положениандонть, трудонь

производительностень кепедемадо ды лядо. Клубсонть ули библиотека, косо ловови малав 800 политической, хозяйственной ды художественной книга. Библиотекарьс Самаркина ялгась эрвикс литературанть явшизе колхозной бригадатнева. Весемезэ ловныцятнеде тосо 255 ломань.

Н. Базайкин.

Ардатовской р-н.

Карматано тонавтомс военной тевентэ

Минь, республиканской школань курсантэ, вечкынек военной тевентэ ды бажатано тонавтомс сонзэ. Те шкас жо минек ютксо овси арасель военной-физкультурной работа.

Маень 20-це чистанть эсэ собраниясо решинек теес Осовиахимень организация, конань эйс сёрмадсть малав весе курсантэ. Председателекс кочки-

нек комсомолецанть Абдулов ялганть. Истяжо организовамс физкультурной коллектив.

Минь карматано тонавтомс военной тевентэ. Осовиахимень организациясь ютавть уш васень занятият.

И. Щеглов.

Ст.-Шайговской р-н.

ТЕЧИ МОСКОВСО ПАНЖОВИ ВЕЛЕНЬ ХОЗЯЙСТВАНЬ ВСЕСОЮЗНОЙ ВЫСТАВКАСЬ

Од изнявкстнэнъ ваннома

Колмоцеде Московсо покш мельс паросо васты Велень хозяйствань Всесоюзной выставкань экскурсантнэнъ, конат састь минек великой родинанть эрва ёндо.

Колмоце не, телень шкань перерывтнень апак лово, роботы выставкас. Ды кода ней ванат сонзэ павильонтнэсэ одкстомовозь залтнэнъ ланге, мельс-паро сайдызат советской народонть олячинь творческой трудонь од изнявкстнэнъ кис.

Велень хозяйствань Всесоюзной выставкас пек парсте невти икелев, коммунизмань высотатненень советской народонть те а лоткавовикс молеманзо. Сонзэ эйсэ таштазь опытазь парсте уш лездась социалистической строительствань покш задачатненень ды ней воспитывает советской велень ламо миллионть активной од деятельть.

Выставкантень васенцеке састь велень хозяйствань передовиктне Украинань ды Белоруссиянь западной областнестэ, конатнень минек героической Якстере Армиясь олякстомтынзе капиталистической рабстванть эйстэ. Сынст эйстэ вейкесь—Тарнопольской областень Подгаецкой районето Сталин лемсэ колхозос. Икелень батрактнень, бедняктнень ды средняктнень эйстэ од артелесь ней весе советской масторонть икеле отчитывается колхозной эсь эрмонь васень иень эсь достиженятнеде. Те иеньт перть сон сайсь 349 гектаронь площадь лангсто зерновой культурань урожай 16 центнер эрва гектарстонть, сахарной якстерькаень урожай 280 центнер эрва гектарстонть. Колхозось организовась молочно-товарной, тувонь раштамонь, ремень раштамонь фермат, тейсь общественной эмжебуре, ютавтсь хозяйственной ды культурной покш строительства.

А ёвтавик кодамо покш счастья ней испытывают Западной Украинань, Западной Белоруссиянь, Бессарабиянь, Литвань, Латвиянь, Эстониянь народтнэ. Ведь рабствань ды правотомочинь мирстэнь сын понтсь видистэ социализмань радостной, олячинь мирэнтень, косо арась безработица, косо истя келейстэ ды смелстэ кепедезь трудия ломанень лавотвтне.

Ды те ломанесь выставкасонт ёвтнесь, кода сон пурнась од виить, апак нехшнень, теке ёвксонь бойкачисэ кепетень эрмонть, кона овси аволь сень кондымо, конаньсэ сон эресь аволь умок.

1941 иень выставкасонт союзной республикань павильонтнэнъ ютксо—кавто одт: Молдавской ССР-нь павильонсь ды се павильонсь, конаньсэ невтьсызь эсь достиженят Литовской, Латвийской ды Эстонской ССР-тнэ.

Главной павильонсонт, Сталинской Конституциянь залсонт, икелень кемгавтовотнень ютксо кармасть улеме союзной од республикатнень виле дюронт. Сын минек мельс еще весть лещитнть седе, што ломанень зярый од миллионть кармасть эрямо Сталинской Конституциянь чинть ало, поладовсть коммунизманть кис боропмонть. Кодамо покш мельс паросо састь неть ломатне социализмань мирэнтень, конань вети Сталинэнь гениесь, кодамо покш мельсэ роботыть сень лангсо, штобу весе эсь способностест, вист максом советской народонть вейсэнь созидательной трудонтень!

Олякстомтозь народтнэнъ эрямосот покш событиятнень невтити и од, и ташто павильонтнэ. Карело-Финской ССР-нь павильонсонт ули панно: «Маннергеймэнъ линиянь тапамозо». Советской Прибалтикань павильонсонт улит истят картинат: «Помещикень модань явшемась», сонзэ рисовизе литовской живописец. Эстонской художник невтьс «Трактористэнъ школа». Кодамо покш революционной содержания неть кавто картинатнесэ! А колмоце полотносонт—Краснознаменной во-



Велень хозяйствань Всесоюзной выставкас.
СНИМКАСОНТЬ: «Сибирь» павильонсь.

енно морской флотонь кораблят—олячинь мирной трудонть виев вантыцят,—сынъ аптити Балтикань беректнень вакссо, социалистической мирэнь течинь чинь рубежтнесэ.

Союзной од республикатнень ней уш ули мезе невтемс выставкасонт. Достиженят сетне ученойтнень ды практиктнень, конат икеле ульнесть лепштязь или роботыть анык помещиктнень ды кулакнтнень ней пек бойкасто кармасть лисеме лангс ды роботыть народонть лездас. Истя, примерке, Амисеп ялгась Эстониясо опытной селекционной станциясонт кучь модамарень питней од сортт, конатнень сон теинзе.

А Эстониянь марто перекликается васоло Камчаткась. Камчатской областесь колмоцеде уш выставкантень кучи нэсь стахановецтнэнъ, невти икеле молиция хозяйстванть опытань: сонзэ экспонентнэнъ эйстэ вейкесь—опытной станциянь сотрудникс—Гарднер ялгась.

Велень хозяйствань Всесоюзной выставкас—те пек паро университет, сон невти практикань ды наукань достиженятнень сынст творческой истямо содружествасо, кодамо ули анык минек масторсо.

Социализмань условиятнесэ науканть касомановзо парсте корты аволь умок Сталинской премиитнень присужденияс. Советской ды мировой наукань историйасонт те покш событияс парсте неяви 1941 иень выставкасонтка. Тесэ келейстэ невтьс Сталинской премиань лауреатнэнъ достиженятне, сеть достиженятне, конат скулмавозь велень хозяйстванть марто. Саты лещит истят ученойтнень лемест, кода Бах, Комаров, Курнаков, Лысенко, Приишников, Скрибин, лауреатнэнъ—Т. Д. Лысенконь научной сотрудникнтнень Авакян ды Приишников ялгатнень, И. В. Мичуринэнь малавикс учениктнень ды сотрудникнтнень Яковлев ялганть ды лиятнень лемест.

Выставканть пек покш мобилизовия виез ашти сеньсэ, што сон вейсэнь творческой движениясонт теи малавиксэке научной роботниктнень ды производственниктнень—СССР-нь Наукатнень Академиянь президентанть Комаров академиктнень ды Памирсэ звеньевонть Сафархотун Шавкатовань, кона 1940 иестэ памирской условиятнесэ сайсь чурькань урожай 810 центнер эрва гектарстонть; или—Казахстанто чабанонть Мандыбай Телебаевень, кона 1940 иестэ эрва 100 реветнень пельде получаь 121 левкс.

Сафархотун Шавкатова звеньевонть

—таджикской пек паро овощеводонть марто перекликаются Московонть маласо Горький лемсэ совхозонь роботниктне Кузьминская ды Финютина ялгатне, конат 1940 иестэ эрва гектарсто сайсь 1.340 ды 1.348 центнер нантской пек паро морков. Те се шкане, зяро выставкасонт индивидуальной участиянь кис выставочной комитетанть показателезэ весемезэ 450 центнер эрва гектарсто. Ды истят примертнеде зяро, зяро ломань участвует советской модань мастертнэнъ течинь всенародной перекликасонт!

Выставкас лезды производственниктнень седе пек кармае ветямо эсь трудонть наукань коряс, наукань ломатненень жо—седе кеместэ скулмае эсь роботанть производствань интереснэнъ марто. Вейсэ жо—нетнененьгак, новатнененьгак—выставкас панжи ки социалистической весе обществанть лездэс хозяйстванть икелепелев седеяк пек кепедемантень.

Социализмань мирэнтень характерна минек эйкакштнень пек деятельной, пек живой участиясь од эрямонь творчествасонт. Тень минь нейдано велень хозяйствань выставкасонтка. Анык ськамозо Киевской областистанть 1940 иестэ выставкасонт участвовали 379 юной натуралист, ней жо те областень исполкомось максь 1.230 кандидат, ды сынст эйстэ 998-тнень кемекстынзе уш Главной выставочной комитетсь.

Буржуазной обществасонт, истяжо царской Россиясонт, ульнесь пек стака, а решавикс проблема тетятнень ды эйкакштнень ютксо. Эйкакштне бажилить икелев, икеле пелень седевадрия тевс, тетятне жо сынст кирдильть, а поддильть. Минек, од мирэнтэ зы карма улеме те проблемась. Тетятнеяк, эйкакштнеяк, бодятнеяк, нуькатнеяк, шержев академикеськак ды юной натуралистеськак—вейсэ дружнасто участвуют великой общенародной стройкасонт.

1941 иень выставканть характерной особенностнень эйстэ вейкесь ашти сеньсэ, што икеле молиция колхозтнэ сонзэ эйс састь эсь хозяйствань весе основной отраслятнень коряс покш показател марто. Соревнованиянь гегляз истят покш показателть тейсь аволь анык башка колхозт, но и пела район, нтой область ды республикат.

Истямо Днепровской областесь. Сон 1937—1940 иетнень перть среднейстэ максь зерновыитнень урожай 13,89 центнер эрва гектарсто ды 1940 иестэ—16,5 центнер. Областьсэнь весе колхозтнэнъ улит животноводчес-

кой нилень-нилень фермаст. Животноводствань кой-кона видтнэнъ коряс уш 1941 иень январень 1-пе чинть самс областьсэнь скотина ульнесь се минимумдонть ламо, кона аравтозь 1942 иеньт прядовома шкантень (примерке, тувотнень коряс планось вельскса то-павтозь 23 процентс).

Или Узбекистансо Янги-Юльскай районсь. Коське 1940 иестэ сон 9.550 гектар лангсто сайсь хлопкань урожай 28,2 центнер эрва гектарстонть. Районсонт—39 колхоз, сынст эйстэ 21 колхоз—выставканть участикт. Весе колхозтнэсэ теезь 9 паксын хлопковолюцерновой севооборот, организовазь 139 животноводческой ферма, 27 колхоз кармасть улеме миллионерэкс.

Вана минек пандов республикась—Киргизиясь. Сон тейсь якстерькаень урожаень мировой рекорд: 15 тыща гектартнэнъ лангсто, конань орошають, 1940 иестэ среднейстэ саезь 420 центнер эрва гектарстонть. Киргизиясь масторсонт ашти васень таркасо хлопчатникень урожайностень коряс: 64 тыща гектар лангсто 1940 иестэ среднейстэ пурназь 18,6 центнер хлопкасырец эрва гектарстонть.

Башка звенатнень ды бригадатнень, колхозтнэнъ ды районтнэнъ достиженясот пурнавкшныть минек моданть покш скупачить. Колхозниктне ды колхозникатне, трактористнэ ды комбайнертнэ, совхозонь ды МТС нь робочейтне—социалистической отечествань ал-куксонь патриотнэ—свал заботить эсь родинанть кемекстамозо кис. Честной трудсо сын добиваются минек масторсонт—продуктатнень изобилия, СССР-нть хозяйственной ды оборонной виензэ кепедема.

Пек покшт виензэ колхозной строенть. Сын парсте неяви грандиозной оросительной каналтнэнъ, водохранилищатнэнъ, китнень скоростной строительствасонт. Те яла седеяк касыця народной движениясонт примакшныть участия ламо кемень ды сядо тышат колхозникт. Ютась иень выставкасонт Узбекистанонь павильонсонт ульнесь аравтозь Сталин лемсэ Ферганской Покш каналонь панорамась. Ней сонзэ вакс теезь пек покш од сооружениянть—Катта-Курганской водохранилищанть панорамазо. Киргизиясо сооружается Орто-Токойской пек покш водохранилища, сонзэ плотинанть сэрэзэ карми улеме 52 метрань сэрэсэ, Чуйской Покш оросительной канал 270 километрань кувалмсо. Аволь умок СССР-нь Верховной Советань Президиумось тешкстызе Тшикской пек покш водохранилищанть успешнойстэ строямонзо. Те строительстванть участиктнень эйстэ ламотне—Кубанень передовой колхозниктне, конат ней казезь орденсэ ды медальсэ, выставкасонт участвуют общественной эсь хозяйстванть кастомасонзо-кепедемасонзо покш достиженятнень кис.

Покш кенарксонь ды законной гордостень чувства марто советской масторось аноктась тедиень, 1941 иень выставканть панжомантень.

Ды вана тынь соватадо сонзэ территориясь, нейдядо содавикс башнянть, конань лангсо теезь трактористэнъ ды колхозницань фигурат. Тынь—покш площадьсэнь, Главной павильонотнэ икеле аптити Ленинэнь ды Сталинэнь статуяст, Поволжьянь павильонсонт легендарной Чапаевень фигуразо. Тынь молядао дворецтнэва-павильонтнэва, выставкань паксятнева ды садтнэва. Ды тынь касы-кепети покш мельс паронь чувствань—советской пси патриотизмань, эсь родинантень, большевистской партиантень, Сталин ялгантень—социализмань изнявкстнэнъ мудрой гениентнень пек покш вечкемань чувствань.

Академик Б. А. КЕЛЛЕР.

ШКОЛАТНЕСЭ ПРОВЕРОЧНОЙ ИСПЫТАНИЯТНЕ

Ответнэ ульнестъ видеть

Класснэсэ ванькс ды валдо. Стенатнэ портрет, плакат. Эйкаштне празднична оршазь састъ школав. Эрванъ мелезэ: весе предметнэ коряс испытаниятнэ максомс ансяк парсте ды отличнасто.

Шкась 9 част. Гайгезевъ баягине. Эйкаштне ойсестъ таркаваст, састъ учительтне ды ушодовст испытаниятне. 9-це «В» классонтне совастъ химиянь коряс преподавателесъ Владимир Сергеевич Ястребов ды ассистентсэ Константин Иванович Ермаев. Ястребов ялгасъ столентъ лангс путызэ билетнэ. Тердс колмо тонавтницят. Сынъ сайстэ эстет билетт, озасть партаст эхпс.

Аволь ламо шеанъ ютазь васенце стасъ отвечамо Костина тонавтницасъ. Сонзэ мельга Сульдин. Васня аламос сон талакадс ды кавтолдс. Мейле, кода мерить, эсь принзо сайзе кеме кедс ды уверенностэ, видестэ кармасъ простнэ лангс отвечамо. Евтинзэ радиоактивной элементнэ, чождыне ды стака металлнэ. Доскас тейсэ эрвикс формулат.

— Евтык, мезекс маштови гелиесъ? — мерсэ Ермаев ялгасъ.

— Гелиесъ тевс холдтневи дирижаблестроениясонтъ, — мерсэ тонавтницасъ. Весе сонзэ ответнэстэ неавиль, кода парсте сон содасы материалонтъ. Химиянь коряс Сульдин тонавтницасъ получае отличной оценка.

Видестэ, четкойстэ отвечае простнэ лангс Трифонова. Сонензэяк пүтозь отметка «отлично».

Испытаниятнэ васень чистъ класснэсэ ютае успешно. Ламот получае отличной ды вадря отметкат. Тонавтницятне парсте содасы программной материалонтъ.

П. Рускин.

Дубенской район.

Комсомолецтнэ сех икеле

Испытаниянь васень читне невтизъ Азова велень средней школанъ тонавтницятнэ организованностс ды покш мелест максомс испытаниятнэ ансяк парсте ды отличнасто. Маень 20-це чистэ 10-це классонъ тонавтницятне кирдестъ испытаният химиянь коряс.

— Бинь ули мелезэ сех икеле получамс отлична? — кевкстинзе химиянь коряс учителесъ тонавтницятнэ.

— Минек! — сместь пшкадест комсомолецтнэ Кудашкин, Куркин, Ведяев, Аверьянов ды Кулясова.

Ды тевсэяк нетъ ялгатне невтизъ, што сынъ алкукскэ химиянтъ содасы отличнасто.

Вадрясто отвечае СССР-нь Конституциянь коряс 7-це «Б» классонъ тонавтницятне (учительницасъ Андронова ялгасъ). 28 тонавтницятнэ эйстэ 9 получае отличной оценкат, 13 — вадря оценкат ды — 6 посредственной. Вадря знаният невтсэ И. Митякин, М. Долгов, А. Нестеров ды Т. Тараканова тонавтницятне.

А вана 4-це «Б» классонъ учительницасъ А. И. Белякова тейсэ очковительства. Сон эрванъ келень коряс диктантнэ проверинзе аволь внимательностэ, мезень коряс отметкатнэ путызэ а видестэ. Примеркс, Дарюшкина Анастасиянь роботасто мусъ ансяк 5 ильведкст. Кода заучосъ варштасъ те роботантень, весемезэ мусъ 14 ильведкст.

Истат фактнэ каршо шкасто примазь мерат. Весе лия класснэсэ испытаниятне молят а беряньстэ. Комсомолецтнэ аштитъ примерке весе тонавтницятнэ.

В. Начаркин.

Атешевской р-н.

Эрванъ келень коряс испытаниятнесэ

Перерывстэ эрванъ келень учительницантень, Анна Тимофеевна, чийсэ 5-це классонъ тонавтницасъ Нагорнова ды корты:

— Энялдан, Анна Тимофеевна, кевкстемак те урокстонть монь сех икеле.

Энялдомазо ульнестъ тонавтозь. Таргасъ билет ды кармасъ арсеме. Билетсэнтъ сёрмадозь простнэ марявстэ тензэ шождынекс. Эсь пачканзо отведизе вопросонтъ: мезе истямось существительное ды прилагательное? Ваньизе примеранть. «Умарина присто прастъ якстере умартъ». Нагорнова кармасъ отвечамо.

— Виде, истя, — маряви преподавательт вайгелезэ, — кодамо тон эрванъ стих содат?

Нагорнова столь лангс путызэ билетт ды кармасъ ёвтнеме Сталинды моронть:

Зяро валдо, сырнень валдо, Валовсь перть пельга...

— Вадря, — седейшкава мерсэ тензэ вейке ассистентсэ.

Нагорнованъ примерасъ кастынзе ве-

се тонавтницятнэ мелест максомс эрванъ келень коряс испытаниятнэ ансяк парсте ды отличнасто. 80 процент тонавтницятнэ устной испытаниятнэ максомс отличнасто ды 20 процент парсте.

Вана письменной испытаниятнэ урок. Диктантонть лемезэ ульнестъ: «Сталинской Конституциянь чистъ». Тонавтницятне покш мелс паросо учость, зардо учительницасъ карми диктовамо. Классонтъ ульнестъ сэтме. Ансяк чуросто макснестъ вопрос: кадомс ли полят, ильведкстнэ можна ли нарднемс резинкасо ды лият.

Сёрмадомс кияк мезеяк эсь кевкстне ды мезеяк эсь корта.

Учительницасъ А. Т. Ермолаева ваньизе контрольной роботантень. Весе сынъ сёрмадозь мазыстэ, апак капша, ильведкстеме. 80 процент эйстэст получае паре отметкат, остаткитне — отличнойт.

П. Саля.

Саранск ош, 9-це школа.



Школатнесэ проверочной испытаниятне

СНИМКАСОНТЬ: Саранск ошонь 14-це № школанъ 5-це «А» классонтъ молят испытаният рузонъ келень коряс. Испытаниятнэ примить Е. М. Сафронова ды Е. С. Чернышов ялгатне. Фотосъ Б. Козловонь.

Рузаевканъ школатнесэ

Кодак ансяк панжовсь учебной кабинетнэ кенкшесъ ды тосто листъ тонавтницят, конат максомс испытаниятнэ, сынст эйс чийст тейтерькат ды цёрат.

— Кода максынк?

— Мезе сех нек кевкснитъ?

— Весе, пестэ-пес, — нусмависто варштазь мерсэ сэнъ футболкасо од цёра.

— Ну тон и тапарить, Федя, — пшкадс вейке тейтерька. Федяненъ путызэ «посредственна». Отвечасъ сон кувать, но ответнэзэ ульнестъ поверхностнойт.

— «Мезе видят, сень и нуят». Седе аламо бу эриволь ютавомс шканть волейболсо налксемантень, — мерсэ Федяненъ ялганзо.

Учительской комнатасъ нетъ читнестэ моли боевой штаб ёнов. Тезэнь эрва 45 минутанъ ютазь сыт «оперативной сведеният» — испытаниятнэ результатт.

— Кодат тевтне, — кевкстин школанъ директорось преподавательтнэ.

— Брак арасъ, — ответить преподавательтне.

Кода-бути сонсь кемекставсь школасо производственной терминологиясь. Получасъ тонавтницасъ берянь оценка испытаниясто — брак. Лия термин кочксемскак стака. Те мик брактояк покш. Ламо ли лезз максы масторонтень неведжасъ, недоучкасъ, ломанесъ, конасъ стака ютавсь цела иеть. Партиянтъ ды правительстванть мероприятиянзо

трудова дисциплинань кемекстамодо лездасъ вадрялгавтомс школанъ роботанть. Теде кортыть испытаниятнэ результатнэ.

38-це № школасонтъ пеледест ламо тонавтницятне получае паре ды отличной оценкат. Ансяк 9 ломаненъ пүтозь берянь оценкат.

Успешнасто максыть испытаниятнэ средней школанъ выпускниктне, 10-це классонъ тонавтницятне. Письменной роботатне невтизъ, што десятиклассниктне вадрясто содасы литературной келентъ ды маштыть тееме художественной произведениянь анализ.

Интернатонъ воспитаницасъ Тамара Палагина сёрмадс содержательной работа СССР-нь братской народтнэ литературадот; Александр Тужилкин сёрмадс вадря сочинения: «Социалистическая переделка сельского хозяйства в изображении Михаила Шолохова».

Апак вань изнякстнэ лангс, конатнэ теизъ школатне те истэ, яла теке роботасо бракосъ еще ули. Аведь те школасъ ловови сех вадря школасо ошонть ды зани паре тарка Пензенской чугуноканъ бинь школатнэнь ютксо. Колмоце четвертень успешнэнь кис получае переходящей якстере знамя.

Школасонтъ допрок апак истожа либерализмасъ оценкатнэ путнемасонтъ. Учительницасъ Тихомирова ялгасъ путс паре-оценка 6-це классонъ тонавтницятнэ, кона биологиянь коряс эсь

Сисемеце классонтъ

Валцкесъ ульнестъ сэтме ды маней. Кученяевской неполной средней школанъ тонавтницятне эсь прят марилть прок праздничной чистэ. Сынъ пурнаветь школанъ перька. Ушодовсь весела налксемат.

Каятотс баягинень гайть...

Мария Андриановна совасъ 7-це классонтень, косо ульнестъ 16 тонавтницятнэ — школанъ выпускниктне.

— Темасъ: «Карацупа вай». Лецтинк мелезэяк Карацупа пограничникентъ кувалт ёвтнеманть, конанъ минь ловнокшнынекс 5-це ды 6-це класснэсэ, ды кармадо сёрмадомо, — кортасъ учительницасъ.

...Миша Мараев арсесъ-тейсэ, сёрмадызе письменной роботанть лемензэ ды кармасъ: «Тевесъ ульнестъ тунда. Карацупа вейсэ Индусонтъ ды ялганзо марто тустъ граница лангов. Границасъ венставсь леень кувалт...»

Сэрсек-сэрсек, ванькстэ, эсь таркаваст арсильть букватне ды валтнэ. Парсте молись Мишанъ тевезэ. А стяко сон весе иетнень перть тонавтницят покш старания марто ды парсте, эсь шкасто тонавтницятнэ весе заданиятнэ.

Меельце тонавтницят максомс письменной работа марто листоконтъ. Од учительницасъ Мария Андриановна Арбузова бажиль седе курок проверямс роботантень, седе курок содаме результатнэ...

Вана проверяе весе роботатне. Кавто тонавтницят письменной роботанть сёрмадызе «отлично», 9 — парсте, 4 — посредственно ды ансяк вейке — беряньстэ. Сон тейсэ 12 ильведкст.

Письменной роботанть сехте парсте теизе комсомолецасъ Миша Мараев. Вадрясто сёрмадызе комсомолецтнэ Сережа Нажалкин, Вася Доронькин ды Вани Абясов. Весе сынъ лововиль школасонтъ сехте парсте тонавтницякс.

...Прядовсь испытаниятнэ васенце чистъ. Сонзэ результатнэ кеняргавтнить эйкаштненьбак, учительтненьбак. Сех нек паре учительтнэнь мелсэ. Эйкаштне ды, васняк, сисемеце классонтъ эйсэ тонавтницятне получае эрвикс знаният.

Ив. Антонов.

Ардатовской район.

ответсэнзэ тейсэ покш неточность.

8-це классонъ тонавтницасъ Т. алгебранъ коряс экзаменсэ получае «посредственно» оценка, котъ и кавто разделт эзь сода те предметэнтэ эйстэ.

Классосъ, косо молят биологиянь коряс испытаниятне, моли живописной островнэ ёнов. Стенатнес понгавтнезэ плакат, наглядной пособият. Но берянь се, што кабинетстэнтъ а муят наглядной пособия, конанъ тевелизъ бу сынъ тонавтницятне. Те покш асатыкс школанъ роботасонтъ.

Рузаевка ошонть 5 школат, маень 20-це чистэ эрванть эйсэ ушодовсь испытаният. Васень чинь испытаниятнэ результатнэ а вейкетъ.

Парсте молят испытаниятне 37-це школасонтъ. Ламо тонавтницят невтсэ вадря знаният. 30 письменной роботантнэ эйстэ вейкесъ берянь.

Испытаниятнеде икеле тонавтницятне эсест школанъ территориянт лангс озавтнестъ фруктовой питомник, кастасъ росада, косо лововить 4.500 корёт. Весе те роботасъ ульнестъ скулмавозь испытаниятнэ анокстамонтъ марто.

Аволь берянь показателть невтсэ 39-це № школасъ. 9-це классонъ тонавтницятне берянь отметкавомо максомс испытаниятнэ географиянь коряс.

И. Пяткин.



Б. А. Палиц ловови Ковылкина станциянь депосонть сех вадра агитаторокс. СНИМКАСОНТЬ: Палиц ялгась аноксты беседань ютавтомо. Фотосъ А. Кочинэнь.

Методической кустовой объединения

Алова велень средней школасонть омбоце ие роботы методической кустовой объединения, кона пек покш леске максни учительтненень ды, васняк, одтнень, ламодо кепеди сынст знанияст. Учителтне ёвтнекшнить роботамонь эсь опытэст.

Кустовой методической объединенианть собраниятнес сакшныль Дюрка, Манадыш ды Эрзянь Сырезь велень школатненъ учительтне. Кустовой объединенианть руководителекс кочказь

И. Г. Тюркин ялгась, кона 28 ие роботы учительтне.

Тонавтнемань те иестанть ютавтозельт кустовой методической объединенианть 6 собраният, конатнесэ учительтненъ эсест вийтнесэ теезельт 10 докладт школасо учебно-воспитательной роботань эрва кодамо вопросонь коряс.

В. Яковлев.

Атяшевской р-н.

Козонь или варшта—рудаз

Кабай велесэ улить ламо садт, но неть садтнень мельга кодамоак уход арась. Ламо чувтт коськеть. Ульцатнесэ рудаз ды навоз. Антисанитария муят кудотнестяк. Варштатано конюхтненъ кудос. Стенатне весе артозъ таргамонь качамосо, кияксось сорязь.

Колхозной комсомольской организациясь ды средней школань комсомолцтнэ те шкас а саить инициатива

яволятомс бороцямс бескультурянт ды захламмленностень каршо. Средней школань ВЛКСМ-нь комитетань секретаресь Ломовцева ялгась те шкас кодамоак мель а явч Ромодановской райононь «Свобода» колхозонь комсомолцтнень сёрмаст тевс ютавтомантень. Кувать ли истя ули?

Е. Агеев.

Дубенской р-н.

Критика ды библиография

Виськс ды шнамо

Минек масторонь трудицятненъ сознанясо капитализмань кадовикс пережиткатненъ маштомасонть почетной тарка должен занымс художественной валось.

Эрзянь литературасонть минь лектятаном кавто лемть, те В. Колемасов ды В. К. Радаев, конатне снартсты кепедемс те теманть эсест произведенияст. В. Колемасовонь «Лавгинов» пек вадра романсонть нучк пачк раксеви нузякс ломань, Лавгинов Яхим, конань мельс колхозсо а тукшны кодамоак робота ды сон орголи те роботанть эйстэ, вепни, косо бу седе ламо получаме ды седе а ламо роботамс. Но истямо ладсо минек масторсо эрямс а кода, секс, што социалистической государствасонть кие а роботы, се и а ярсыяк. Секс Лавгиновненъгак, роботань а вечкипянтень, сеетстэ савкшность пек стагасто ютавтнемс атак робота читненъ, кирдемс ламо вачочи. Те марто ряцек романсонть неветевить жарыя колхозникть, конатне эсест коллективной трудостейт эсест зажиточной эрямо: сынст и скорост ламо, и скалост ловцовт оевть. Сынъ аволь ансяк роботыть машинасо, но мик базаров ардтнить автомашинасо. Нузякс ломанесейт те вадра эрямонть ды

саявадозеви сельмезэ, сонензэ виськстееви, мекс сонгак а эри те эрямонть. Ды аламонь-аламонь сонгак сови превс, кунды вадра тевс.

Удалась те теманть вадрасто невтемс В. К. Радаевненъгак эсензэ «Виськс» ёвтнемасонзо (вант «Сятко» 1941-иень васень номер). Те ёвтнеманть покш воспитательной значениязо.

«Эрясть Обран атя марто Оря атя дружнасто. Кияк курилкасонть а повни, штобу сынъ жардоак сёлновольт. А сынст эрвейкень малав сизыгемьнензэ. Эйкаш пивгестяк, од цёракскак сынъ ульнест а явовиця ялгакс».

Велентень, косо эрясть неть кавто шабратне, организовазель колхоз. Бедной крестьянтнэ атак кавтолдо совасть колхозе, секс, што тосо сынст ули покш виест. «Обран атя марто Оря атя секс эзть сова колхозе. Васня вансынек, келя, кода тосо кармить эрямо, роботамс». Но эрязь-аштезь Обран атя неизе, што колхозсо эрямось вадра ды чарькодсь, што колхоздонть башка сонензэ седе паро ки а муемс, секс сон «саизе зепезэнзэ жардыя уш анокстазь заявленианзо: кундызе гнедой эльдесть, тонгизе прыанзо ашконть ды саизе колхозов».

Европасо, Африкасо ды Азиясо войнась

(Маень 23-це чистэ военной действиятненъ дневник)

Англо-германской фронтсонть мезеяк существенной эзъ тееве. Маень 22-це чистэ чить германской авиациясь тейнесь разведывательной ливтнемат Англиянтъ вельксэсэ ды английской территориальной ведтненъ вельксэсэ.

Виев бойть молить Крит островсонть. Маень 21-це чистэ германской парашютистанъ од отрядтнэ ды самолетсо пачтневиця войскактне снартнест валгомс островонь эрва кодат пунктнэс. Германской воздушной десантнень валгстомась яла моли. Крит островонть лангс десант немецне пачтнить морява аволь покш суднасо, конат ютнить Крит островонть ды Южной Грециянтъ ютксо морянь теине полосанть трокс. Неень шкастонть бойть молить Гераклиононь (Кандия), Ретиминь, Малеми, Каниань районсонть ды Суды заливсэнть. Немецтненень удалась, пачти Рейтер агентствась, кемекставомс ансяк вейке аволь покш пунктсо — Малемисэ аэродромсонть.

«Таймс» английской газетась, Крит островонть лангсо бойтнеде пачтазь, сёрмады, што англичантнень «ули возможность а нолдамс островонть лангс противникень артиллериянтъ ды танкатнень пачтнеманть. Улить сатышкасто покш основаният сень туртов, штобу надиямс, што Критань гарнизонсь вантсесь эсь кеьсэнзэ господствующей положенианть молия виев бороцямосонть».

Северной Африкасо, Тобруконь рай

онсонть ды Соллумонть маласо, активной военной действият арасельт. Молить разведывательной операцият.

Абиссиниясо английской частне яла лепштит Галла—Сидамо районсонть итальянской позициянтень лангс. Английской командованиянтъ сводкасонзо пачтневи, што Гондаронь районсонть англо суданской войскактне васодеветь Чилгитнэ маласо итальянской войскактнень марто. Те районсонть итальянской кавто дивизиянтень кружизь английской колоннатне, конат ветить наступления северстэ ды югосто. Пашаманонть эйстэ запад ёно английской войскактне атаконизь итальянской войскактнень основной позицияст. Итальянцтнэ тейстэ контратакат, конаньсэ участвовать танкат.

Ираксо основной бойтне молить Эль-Фалуджинь районсонть. Иракской войскактне, пачти иракской командованиясь, атаконизь англичантнень Эль-Фалуджинь ды Хаббаниян районтнэсэ. Гавас—ОФИ агентствань корреспондентанть валонзо коряс, Эль-Фалуджа ошось таго ютась иракской войскактнень кеьсэ.

Южной фронтсонть тешкстневи иракской авиациянтъ деятельностизэ. Иракской самолетнэ бомбардировизь Синай-дебансо англичантнень военной лагерьст.

Английской самолетнэ тейнест разведывательной ливтнемат Вашваш ды Рашид лагерьтненъ вельксэсэ ды истя жо Багдадонть вельксэсэ.

(ТАСС).

Парижстэ дипломатической представительтненъ тердемась

США-нь государственной секретаресь Хэлл яволявть, што сонзэ арсеаманзо коряс Парижстэ дипломатической представительствантень тердеманть коряс Германиянтъ требованиязо а токши консульской представительтненъ. Неень шкастонть Парижсэ улить американс-

кой консульской 7 работништ.

Юнайтед Пресс агентствась вевти, што бути Германиясь тердеветь сонзэ Парижстэ консульской представительтненъ, то США-сь, возможна, теи ответной мерат.

(ТАСС).

Обран атя аламонь-аламонь кармась совамо коллективной эрямос, кармась вечкеме те эрямонть ды эсензэ частной собственностесь кармась арамо удало таркас. Сон мик тень кис ёмавтнэ эсензэ сех вадра оянзо Оря атянъ, кона марто сон истя дружнасто ютавтсь цела пинге ды кона ней аволь ансяк сонсь эзъ сова колхозе, но мик лоткась шабранзо марто дружнасто эрямоак секс, што тонась колхозсо. Те, нама, пек апаркстызе колхозникентъ ды секс сон кой-жардо кармась кортнеме шабранзо марто, штобу сеяк соваволь колхозе. Сась шка, жардо Оря атяк совась колхозе, но сон тосо кармась эрямо эсензэ частнособственнической мельтнень-превтенъ марто, тосояк бажась, кода бу костояк, кодак ламине усоме эстензэ, эсензэ кудос. Ды неть мельтне сонзэ пачтизь апаро тевс.

Сестэ, жардо неть шабратне колхозсо уш эрясть пек парсте, роботасть вейсэ, икеле лацо ульнест дружнат, весть пивцема ланга ютксоист лиссь истямо тев. Обран атя весть веть сась лия велестэ. Овси эсест пиретненъ ваксто «понгсь икелензэ ломань, конань котьмерсь ульнест мезде бути пештазь мешок. «Мень тамаша?» — арсезевсь Обран атя.» Жардо жо сон молсь седе малав—неизе, што те сонзэ шабранзо Оря атя, канды мешок суро. Атясь апаркстомозь, седейсэ кевкстизе вечкевикс оянзо:

— Косто салить?..

— Колхозонь тиньге лангсто... христаради, шабра... Жалаямак... Илаямак ливть ломаньстэ.

Обран атянень ульнест пек стака лисеме положениястонть.. Сон кувать переживал, кавтолдсь, ёвтамс или а ёвтамс? Ёвтамс—ёмавтсак вечкевикс ялгат, кона марто ютавтось цела пиньге, а ёвтамс седейк а кода, сон колхозник, сон артеленъ член. Ды атясь ёвтась те саламонть правленияв, тейс истя, кода теевель эрва честной колхозникесь, конанень пингней те лемесь.

Но эзъ велавт котьмере ёндо Обран атя-Оря атядо. Сестэ, жардо салыцясь тюрьмасто самодо мейле макссь заявлениа таго колхозе совамо—ламот промкесо сонзэ примамсто кортасть, што сынст ворт колхозе а эрявить, ворт сынъ а вечить. Но вана кармась кортамо знатной колхозникесь Обран атя. Сон венстизе эсензэ кедензэ шабрантанъ, штобу ливтемс сонзэ таго виде ки лангс, ёвтась вал сонзэ примамонть кис:

«— Мон пивгем эль ютавтсэ мартонзо ряцек эрязь. Сон больше истя а теи. Мон содаса...»

Ды примизь Оря атянъ таго колхозе».

А. Мартынов.

Ответ. редакторось А. ЩЕГЛОВ.